

Nve - konsesjonsavdelinga

Dato: 22.09.2014
Vår ref.: 2014/19328-3
Saksbehandlar: einhuns
Dykkar ref.: 201401408-3

Høyringsfråsegn frå Hordaland fylkeskommune - melding om auka slukeevne og overføring av vatn til Indre Jåstadelva og Kvednhusbekken kraftverk - Ullensvang herad

Vi viser til brev frå 7. juli 2014 der Hordaland fylkeskommune er beden å gje innspel til vurdering av konsesjonsplikt for auka slukeevne og overføring av bekk til Indre Jåstadelvi og Kvednhusbekken minikraftverk i Ullensvang herad.

Jåstadkraft AS ønskjer å overføre vatn frå eit sidelaup av Kvednhusbekken til eksisterande inntaksdam. Dessutan søkjar dei om løyve til å installere nytt turbinhjul med betre verknadsgrad.

Vurdering

Fylkeskommunen har særleg ansvar for forvaltning av kulturminne, haustbare artar av vilt og innlandsfisk, friluftsliv og vassressursar i tillegg til havbruksforvaltning. Landskap og naturmangfald er sentrale verdiar når fylkeskommunen avveigar regionale planar og ålmenne samfunnsinteresser i konkrete utbyggingssaker.

Med liten usikkerheit vurderer fylkesrådmannen at tiltaket ikkje rår ålmenne interesser, inklusive kulturminnevern. Jamfør Naturmangfaldlova § 8 er kunnskapsgrunnlaget i høve til saka si karakter tilstrekkeleg.

Prosjektet er i tråd med Klimaplan for Hordaland 2014 – 2030 sitt mål om å produsera fornybar energi der ein skal ta omsyn til naturmangfald, friluftslivområde og store landskapsverdiar i fylket.

1. Bakgrunn

Indre Jåstadelvi og Kvednhusbekken ligg på vestsida av Sørfjorden i Ullensvang herad. Vassdraget har sitt opphav nedanfor Gråfjellet i vest og munnar ut i Sørfjorden ca 2,7 km vidare aust. Dagens kraftverk nyttar eit fall på 254 m.

2. Prosjektskildring

Jåstadkraft AS planlegg å overføre vatn frå ein sidebekk via 60 m ope grøft til inntaksdammen til eksisterande kraftverk. Den 5 m breie vassvegen er planlagd graven i planta granskog. Med ein ny og meir effektiv turbin er tiltaket estimert å auke produksjonen med 0,37 GWh. Kraftliner og tilfartsveg eksisterer allereie.

Utbyggingskostnadane er forventa å vere 455 000 kroner, altså vert prisen 1,23 kr/kWh.

2.1 Tiltaket og kjende ålmenne interesser

Landskap

Landskapsregionen i delområdet Sørfjorden er 15 Lågfjellet i Sør-Noreg og 23 Indre bygder på Vestlandet. Fjordlandskapet er vurdert til stor verdi og unikt i nasjonal målestokk. Planlagd tiltak råkar ingen eksponerte fossar eller vassdrag og reduserer ikkje det inngrepsfrie området på Folgefonnhalvøya.

Meldinga omfattar ikkje konkret plan for grøftegravinga og gjev ingen detaljar om det naudsynte masseuttaket. Eventuelle konsekvensar vert omfatta av retningsline R3-2 i Fylkesplanen:

I fjordlandskap av stor verdi [...] skal [ein] legge vekt på at terrenginngrep, vegar, røyrgrater mm. Ikkje fører til varige sår som reduserer opplevingsverdien i landskapet.

Eventuell utfylling vil i seg sjølv ikkje gjere det naudsynt med konsesjonsplikt for planane då fylkeskommunen og andre sine merknader til utfyllinga vert handtert gjennom den kommunale reguleringsplanprosessen.

Naturleg mangfald

Med føreliggande kjennskap vert tiltaket ikkje råka av dei fylkeskommunale retningslinene for naturleg mangfald. Det gjer det ikkje naudsynt med konsesjonshandsaming.

Fisk, friluftsliv og reiseliv kor landskapet eller naturen er ein vesentleg del av attraksjonen

Tiltaket syner ikkje å verte råka av dei fylkeskommunale retningslinene for fisk, friluftsliv eller reiseliv kor landskapet eller naturen er ein vesentleg del av attraksjonen. Det gjer det ikkje naudsynt med konsesjonshandsaming.

Kulturminne

Vi har i dag ikkje kjennskap til automatisk freda kulturminne som kan komme i konflikt med omsøkt tiltak. Vi vurderer området å ha eit lågt potensial for kulturminne og vil difor ikkje motsetje oss tiltaket.

Elles gjer vi merksam på meldeplikta etter kulturminnelova § 8, 2. ledd. Dersom det i samband med arbeid i marka kjem fram funn eller konstruksjonar som kan vere automatisk freda må ein straks melde frå til Hordaland fylkeskommune, og alt arbeid stansast til rette forvaltningstyresmakt har vurdert funnet.

Hordaland fylkeskommune har ingen vidare merknader til planen når det gjeld kulturminne.

2.2 Oppsummering

	Ålmenne interesser	Usikkerheit	Relevante retningslinjer
Verdiskaping	Små	Nei	R1: Relevant
Landskap	Små	Noko	R3-2: Relevant R4: Ikkje relevant
Naturleg mangfald	Små	Noko	R5: Kanskje relevant
Fisk	Ingen	Nei	R6: Ikkje relevant
Kulturminne			R8:
Friluftsliv	Små	Nei	R7: Relevant
Reiseliv	Ingen	Nei	R9: Ikkje relevant

3. Kunnskapsgrunnlaget

Naturmangfaldlova § 8 seier følgjande om kunnskap som skal liggje til grunn for avgjersle:

Offentlige beslutninger som berører naturmangfoldet skal så langt det er rimelig bygge på vitenskapelig kunnskap om arters bestandssituasjon, naturtypers utbredelse og økologiske tilstand, samt effekten av påvirkninger. Kravet til kunnskapsgrunnlaget skal stå i et rimelig forhold til sakens karakter og risiko for skade på naturmangfoldet.

Meldinga manglar detaljert informasjon om planlagd inngrep i landskapet (masseuttak og grøftegraving). Vidare føreligg det ikkje vitenskapeleg kunnskap om artsmangfald og økologisk tilstand i sidebekken. Jamvel vurderer vi risiko for skade på naturmangfaldet i høve til saka si karakter som så liten at det vert urimeleg å krevje vidare undersøkingar.

Gudrun Mathisen
leiar

Einar Aalen Hunsager
rådgjevar

Brevet er godkjent elektronisk og har derfor inga underskrift.